



## **Hłowne wustawki gmejny Workleczy**

Na zakładże § 4 wotst. 2 gmejskeho porjada Swobodneho stata Sakskeje w formje wozjewjenja z dnja 9.měrca 2018 (SächsGVBl. str. 62), naposledk změnjene přez artiki 5 zakonja z dnja 28.nowembra 2023 (SächsGVBl. str. 870), je gmejska rada gmejny Workleczy z wobzamknjenjom 06 02/2024 dnja 29.02.2024 slědowace hłowne wustawki wobzamknyła:

Gmejna zasadźuje so za zachowanie a spěchowanie serbskeje rěče a kultury a tradicijow serbskeho luda.

### **Prěni dźěl Organy gmejny**

#### **§ 1 Organy gmejny**

Organy gmejny stej gmejska rada a wjesnjanosta.

### **Prěni wotrězk Gmejska rada**

#### **§ 2 Prawniske stejnišćo a nadawki gmejskeje rady**

Gmejska rada je zastupnistwo wobydlerjow a hłowny organ gmejny. Wona mjenuje so Gmejska rada. Gmejska rada zapołoži zasady za zarjadnistwo gmejny a rozsudža wo naležnosćach gmejny, kaž daloko njeje wjesnjanosta po zakonju za to zamołwity abo jemu gmejska rada wěšte naležnosće njepřepoda. Gmejska rada dohladuje zwoprowdženje wobzamknjenjow a stara so při njedostatkach w gmejskim zarjadnistwje wo to, zo so tute přez wjesnjanostu wotstronja.

#### **§ 3 Zestawa gmejskeje rady**

- 1) Gmejska rada wobsteji z gmejskich radźičelow a wjesnjanosty jako předsadu.
- 2) Ličba gmejskich radźičelow postaji so po § 29 wotst. 2 SächsGemO.

### **Druhi wotrězk Wjesnjanosta**

#### **§ 4 Prawniske stejnišćo wjesnjanosty**

- 1) Wjesnjanosta je předsyda gmejskeje rady. Wón zastupuje gmeju.
- 2) Wjesnjanosta je čestny zastojnik na čas. Jeho hamtska doba traje sydom lět.

## § 5 Nadawki wjesnjanosty

- 1) Wjesnjanosta je za wěcywustojne spjelnjenje nadawkow a porjadny wotběh gmejskeho zarjadnistwa zamołwity a rjaduje nutřkownu organizaciju gmejskeho zarjadnistwa. Wón spjelnja w swójskej zamołwitosći jemu po zakonu abo přez gmejsku radu přepodate nadawki, kaž daloko njeje zarjadniski zwjazk "Při Klóšterskej wodže" za to zamołwity.
- 2) Wjesnjanosće so slědowace nadawki jako stajne přepodadža, dalokož so hižo wo nadawki běžneho zarjadnistwa njejedna:
  1. Wobhospodarjenje zakładow wuslědkoweho a finančneho etata we wobłuku přez hospodarski plan postajeneho budgeta, z wuwzaćom
    - a) rozsudow wo napravach z cyłkownymi wudawkami nad 10 000 eurow,
    - b) přepodača nadawkow k wukonom (dodawanja a postužby) z nadawkowej hódnotu nad 10 000 eurow,
    - c) přepodače twarskich nadawkow z nadawkowej hódnotu nad 10 000 eurow netto, zapřijawši z twarskej naprawu zwjazane a nadawkowej hódnoće podrjadowane wukony,
  2. přihtosowanje nad planowym a zwonka planowym wupłaćenjam hač do 3 500 eurow w jednotliwym padže, hdyž so tute přez budget kryć njehodža,
  3. přihtosowanje k nad planowym a zwonka planowym wudawkam hač do 3 500 eurow w jednotliwym padže, hdyž njeje jich hospodarska přičina hišće data a hdyž njeje kryće we wobłuku budgeta móžne,
  4. wopodstatnjenje nad planowych a zwonka planowych wudawkow, hdyž je jich hospodarska přičina hižo data, hač do 3 500 eurow w jednotliwym padže a jich kryće we wobłuku budgeta móžne njeje,
  5. postajenje, přistajenje, wyše stopnjowanje, pušćenje a dalše personalno prawnske rozsudy přistajenych hač do mzdoweje skupiny S8a, pomocnikow, wučomnikow, praktikantow a dalších so wukubłacych wosobow,
  6. přizwolenje nic přez budget krytych přiražkow hač do 500 eurow w jednotliwym padže,
  7. wotstorčenje žadanjow w jednotliwym padže hač do dweju měsacow w njewobmjezowanej wysokosći, hač do šěsć měsacow hač do najwyše 1 500 eurow,
  8. cofnjenje žadanjow gmejny a pobiće tajkich žadanjow, wjedženje prawnskich rozestajenjow a wuzamknjenje přirunanjow, hdyž je spušćenje abo pobiće, hódnota rozestajenja abo pola přirunanjow přilubjenje gmejny w jednotliwym padže pod 500 eurami,
  9. předań abo wěcne počezowanje, nakup abo změnu ležownostneho wobsydstwa abo ležownosćam podobnych prawow w knižnej hódnoće hač do 2 500 eurow w jednotliwym padže,

10. zrěčenja wo wužiwanju ležownosćow abo mobilneho zamóženja hač do lětneje hódnoty najeća abo wotnajeća 5 000 eurow w jednotliwym padže,
  11. předań hewašich dželow zapožoženeho zamóženja w knižnej hódnoće hač do 2 000 eurow w jednotliwym padže,
  12. skazanje wěstosćow, přewzaće rukowanjow a zawjazk z rukowanskich zrěčenjow a wotzamknjenje jim so runacych prawnskich naležnosćow, hdyž w jednotliwym padže 2 500 eurow njepřekroča,
  13. přiwwaće abo sposrědkowanje darow, darjenjow abo podobnych podpěrow na dobro muzejow, bibliotekow a archiwow, kotrychž nošer je gmejna, kaž tež přiwwaće abo sposrědkowanje darow, darjenjow a podobnych podpěrow hač do hódnoty 50 eurow w jednotliwym padže.
- 3) Wjesnjanosta dyrbi so wobzamknjenjam gmejnskeje rady spřećiwyjeć, hdyž je měnjenja, zo so wone přećiwo zakonjej měrja; wón móže so jim spřećiwyjeć, hdyž je měnjenja, zo su wone na njedobro gmejny. Spřećiwyjenje ma so bjez komdženja, najpozdžišo pak w běhu dweju tydzenjow po wobzamknjenju napřečo gmejnskim radźićelam wuprajic. Spřećiwyjenje skutkuje jako wotstorčenje. Runočasnje je z podaćom přičinow spřećiwyjenja zwołać posedženje, w kotrymž so znowa wo naležnosći wobzamknyć; tute posedženje ma so najpozdžišo štyri tydzenje po přnim posedženju wotměć. Je po měnjenju wjesnjanosty tež nowe wobzamknjenje přećiwo zakonjej, dyrbi wón znowa spřećiwić a bjez komdženja rozsud prawniskeho dohladowanskeho zarjada wo prawosći nastorčić.

## **§ 6 zastupowanje wjesnjanosty**

Gmejnska rada wuzwoli ze swojeje srjedzizny dweju zastupjerjow wjesnjanosty. Zastupowanje wjesnjanosty wobmjezuje so na pady zadžěwanja wjesnjanosty.

## **Druhi džěl Sobu skutkowanje wobydlerjow**

### **§ 7 Wobydlerska zhromadźizna**

Powšitkownje wuznamne gmejnske naležnosće měli so z wobydlerjemi rozjimać. K tomu ma gmejnska rada znajmjeńša dwójce wob lěto zwołać wobydlerku zhromadźiznu. Wobydlerska zhromadźizna ma so zwołać, hdyž wobydlerjo za to próstwu zapodadza. Próstwa ma so z podaćom naležnosće, kotraž ma so rozjimać, pisomnje zapodać. Próstwa ma być wot znajmjeńša pjeć procentow wobydlerjow, kotřiž su 16. žiwjenske lěto zakónčili, podpisana.

### **§ 8 Wobydlerska próstwa**

Gmejnska rada dyrbi gmejnske naležnosće, za kotrež je wona zamołwita, w běhu třoch měsacow wobjednać, hdyž wobydlerjo za to próstwu staja. Próstwa ma z podaćom naležnosće, kotraž ma so rozjimać, pisomnje zapodać. Próstwa ma być wot pjeć procentow wobydlerjo, kotřiž su 16. žiwjenske lěto zakónčili, podpisana.

## § 9 Požadanje wobydlerjow


Próstwa wo přewedženje wobydlerskeho požadanja po § 24 SächsGemO móže so pisomnje wot wobydlerjow gmejny zapodać (wobydlerske požadanje). Wobydlerske požadanje dyrbi znajmjeńša pjeć procentow wobydlerjow gmejny podpisać.

### Třeći dźěl Dalši předpis

## § 10 Nabyće plaćiwošće

Tute wustawki nabudu džen po jich zjawnym wozjewjenju plaćiwošće. Runočasnje zhubja wustawki gmejny Worklecy w formje z dnja 22.04.2004 a 1., 2. a 3.změna hłownych wustawkow wot 2010/2012 a 17.05.2013 swoju plaćiwošć.

Worklecy, dnja 01.03.2024

  
Clemens Poldrack  
wjesnjanosta



### **Pokiw po § 4 wotst. 4 SächsGemO na dobu k přizjewjenju zranjenjow předpisow nastupajo wotběhi a formy:**


Wustawki, kotraž su pod zranjenjom předpisow wotběhow a formow nastali, plaća lěto po jich wozjewjenju jako wot spočatka prawje nastajene. To njeplaći, jeli

- 1) njejsu so wustawki nastajili abo hdyž wobsahuja nastajene wustawki zmylki,
- 2) su so předpisy wo zjawnosći posedženjow, dowolnosće abo wozjewjenja wustawkow zranili;
- 3) je wjesnjanosta wobzamknjenju po § 52 wotst. 2 SächsGemO dla njezakonosće spřečiwił;
- 4) je před wotběhom w 1.sadže mjenowaneje doby
  - a) prawniske dohladowanske zarjad so na wobzamknjenju postorčił abo
  - b) su so zranjenja předpisow za wotběh a formu napřečo gmejnje pod podaćom wobstejnosćow, kotraž maja zranjenje wopodstatnić, pisomnje zapodali.

Je-li so zranjenje po sadže 2 čo. 3 abo 4 jako plaćiwe wopokazało, tak móže tež po zakončenju doby, mjenowaneje w sadže 1 kóždy tute zranjenje nastorčić. Sady 1 do 3 maja so jenož nałožować, hdyž je so při wozjewjenju wustawkow na předpisy formy a prawniske scěhi skedźbniło.

Na to so tule skedźbri.

Worklecy, dnja 01.03.2024

  
Clemens Poldrack  
wjesnjanosta

